



**Pred bitku na Uhudu pozvao me otac noću i rekao:
"Mislim da ću biti prvi koji će biti ubijen od drugova
Allahovog Poslanika, sallallahu 'alejhi ve sellem, a ne
ostavljam iza sebe osobu dražu od tebe nakon
Allahovog Poslanika, sallallahu 'alejhi ve sellem.
Imam dug pa ga vrati i ostavljam ti sestre da ih
dobro paziš."**

Od Džabira b. Abdullaha, radijallahu 'anhu, prenosi se da je rekao: "Pred bitku na Uhudu pozvao me otac noću i rekao: 'Mislim da ću biti prvi od drugova Allahovog Poslanika, sallallahu 'alejhi ve sellem, koji će biti ubijen, a ne ostavljam iza sebe osobu dražu od tebe nakon Allahovog Poslanika, sallallahu 'alejhi ve sellem. Imam dug pa ga vrati i ostavljam ti sestre da ih dobro paziš.' Osvanuli smo i on je doista bio prvi koji je ubijen. Zakopao sam sa njim još jednog u isti kabur. Poslije mi nije bilo drago da ga ostavim sa drugim u kaburu pa sam ga izvadio, nakon šest mjeseci, a on je izgledao potpuno isto kao kada sam ga zakopao, osim njegovog uha. Onda sam ga stavio samog u kabur.

[Vjerodostojan] [Hadis bilježi imam Buhari]

Probudio je Abdullah b. Haram svoga sina Džabira jedne noći i rekao mu: "Mislim da ću biti prvi koji će biti ubijen u društvu Allahovog Poslanika, sallallahu 'alejhi ve sellem" Bilo je to u vrijeme pred bitku na Uhudu. Zatim mu je oporučio rekavši: "Ne ostavljam nikoga dražeg od tebe, izuzev Allahovog Poslanika, sallallahu 'alejhi ve sellem." Potom mu je oporučio da vrati njegov dug koji se bio zadužio i da pazi sestre. Poslije toga desila se bitka u kojoj se borio i bio ubijen, radijallahu 'anhu. U toj bici je poginulo sedamdeset ashaba. Muslimanima je bilo teško da pokopaju svakog u zaseban kabur tako da su pokopavali dvojicu i trojicu u jedan kabur. Sa Abdullahom b. Haramom pokopan je i drugi čovjek. Džabiru to nije bilo drago i nije se smirio sve dok nije rastavio oca od čovjeka koji je pokopan uz njega u istom kaburu. Iskopao ga je nakon šest mjeseci našavši ga nepromijenjenog kao da je tek zakopan, osim male promjene vidljive na uhu. Onda ga je pokopao u zaseban kabur.

النجاة الخيرية
ALNAJAT CHARITY

